

შპს გარაბდა-კარწახის რკინიგზა
შპს „კომპაუდი“

ხელშეკრულება №22-19

მომსახურების შესყიდვის შესახებ

ქ. თბილისი
29/01/2019წ.

ხელშეკრულების მხარეები:

ერთი მხრივ, შპს „მარაბდა-კარწახის რკინიგზა“ (შემდგომში - შემსყიდველი), წარმოდგენილი მისი დირექტორის, ლევან კანკავას სახით

და

მეორე მხრივ, შპს „კომპაუდი“ (ს/კ №202385169) (შემდგომში - მიმწოდებელი), წარმოდგენილი მისი დირექტორის მინდობილი პირის – ნუგზარ ხიჯაკაძის სახით, (ნოტარიუსი დავით მეფარიშვილის მიერ 16.02.2017წ. დამოწმებული მინდობილობა №170159575 საფუძველზე),

საქართველოს მთავრობის 29.12.2017წ. №596 დადგენილებით დამტკიცებული შპს მარაბდა-კარწახის რკინიგზისთვის” მომსახურებისა და საქონლის შესყიდვების სპეციალური წესის” მე-4 მუხლის მე-2 პუნქტის ა) ქვეპუნქტის საფუძველზე დებენ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. შემსყიდველი მიმწოდებლისაგან ყიდულობს ხელშეკრულების 1.1.1 და 1.1.2 პუნქტში მითითებულ მომსახურებას (შემდგომში – მომსახურება), წინამდებარე ხელშეკრულების პირობების შესაბამისად;

1.1.1. 17163 ერთეული ძველუვარგისი ხის განძელის (შპალი) საბაზრო ღირებულების დადგენისა და შესაბამისი აუდიტორული დასკვნის მომზადების მომსახურება;

1.1.2. 17163 ერთეული ძველუვარგისი ხის განძელის შპს მარაბდა-კარწახის რკინიგზის” კაპიტალში შეტანასთან დაკავშირებით კაპიტალის ოდენობის განსაზღვრა და შესაბამისი აუდიტორული დასკვნის მომზადების მომსახურება.

1.2 მომსახურება მოცავს მიმწოდებლის მიერ შესაბამისი აუდიტორული დასკვნის მომზადებას და შემსყიდველისათვის წარდგენას. შემსყიდველისათვის წარდგენილი აუდიტორული დასკვნა დამოწმებული უნდა იყოს სსიპ „საჯარო აუდიტის ინსტიტუტის“ მიერ გაცემული, საჯარო სექტორის აუდიტორის სერთიფიკატის შტონე ექსპერტის მიერ.

მუხლი 2. სახელშეკრულებო ღირებულება და ანგარიშსწორება

2.1 ხელშეკრულების ჯამური ღირებულება შეადგენს 236.00 (ორას ოცდათექვსმეტი) ლარს, დღგ-ს ჩათვლით.

2.2 მხარეები თანხმდებიან, რომ ამ მუხლის 2.1 პუნქტში აღნიშნული სახელშეკრულებო ღირებულების გაზრდა დაუშვებელია.

2.3 მიმწოდებელთან ანგარიშსწორება განხორციელდება მხარეთა მიერ მომსახურების მიღება-ჩაბარების აქტის ხელმოწერისა და მიმწოდებლის მიერ შემსყიდველისათვის საგადასახადო ანგარიშ-ფაქტურის წარმოდგენიდან 5 (ხუთი) სამუშაო დღის განმავლობაში.

2.4 ანგარიშსწორება განხორციელდება ნაღდი ან უნაღდო ანგარიშსწორების ფორმით, ლარში.

მუხლი 3. მომსახურების ხარისხი და გარანტია

3.1 მიმწოდებელი იძლევა გარანტიას, რომ მომსახურების ხარისხი სრულად დააკმაყოფილებს შემსყიდველის მოთხოვნებს.

მუხლი 4. მომსახურების მიწოდების ვადები

4.1 მომსახურების მიწოდება უნდა განხორციელდეს წინამდებარე ხელშეკრულების გაფორმებიდან არაუგვიანეს 7 (შვიდი) სამუშაო დღის ვადაში.

მუხლი 5. მომსახურების მიღება-ჩაბარების წესი

5.1 მიმწოდებლის” მიერ მომზადებული აუდიტორული დასკვნა და მათი დანართების (ასეთის არსებობის შემთხვევაში) შემსყიდველისათვის” გადაცემა ხორციელდება ბეჭდური სახით, არანაკლებ 3 (სამი) ეგზემპლარად, სათანადო წესით შედგენილი, ხელმოწერილი და ბეჭდით დამოწმებული. შემსყიდველის” მოთხოვნის შემთხვევაში, აუდიტორული დასკვნები შემსყიდველს უნდა გადაეცეს ელექტრონული ფოსტის ან/და ლაზერული დისკის მეშვეობით.

5.2 თუ მომსახურება აკმაყოფილებს შემსყიდველის მოთხოვნებს, მხარეთა შორის ფორმდება მიღება-ჩაბარების აქტი.

5.3 მომსახურება ჩაითვლება მიღებულად მხარეთა მიერ მიღება-ჩაბარების აქტის ხელმოწერის დღიდან.

- 5.4 შემსყიდველის მხრიდან მიღება-ჩაბარების აქტის ხელმოწერის უფლებამოსილება ენიჭება შპს „მარაბდა-კარნახის რკინიგზის“ თანამშრომელს ირაკლი გოგიას (მოქალაქის პირადი №01019021146).

მუხლი 6. მომსახურების მიწოდების ადგილი

- 6.1 მომსახურების მიწოდება უნდა განხორციელდეს შემსყიდველის ფაქტიური ადგილსამყოფელის მიხედვით.

მუხლი 7. შემსყიდველის ძირითადი უფლება-მოვალეობანი

- 7.1 შემსყიდველს უფლება აქვს:
7.1.1 მოსთხოვოს მიმწოდებელს ხელშეკრულების ჯეროვანი და კეთილსინდისიერი შესრულება;
7.1.2 შეამოწმოს მომსახურების ხარისხი;
7.1.3 მოსთხოვოს მიმწოდებელს ინფორმაცია მომსახურების შესახებ.
7.2 შემსყიდველი ვალდებულია დაიცვას ხელშეკრულებით განსაზღვრული პირობები.

მუხლი 8. მიმწოდებლის ძირითადი უფლება-მოვალეობანი

- 8.1 მიმწოდებელს უფლება აქვს:
8.1.1 მოითხოვოს შემსყიდველისაგან მომსახურების ღირებულების დროული გადახდა და ხელშეკრულების სხვა პირობების შესრულება.
8.2 მიმწოდებელი ვალდებულია:
8.2.1 მიანოდოს შემსყიდველს მომსახურება, წინამდებარე ხელშეკრულებით გათვალისწინებული პირობების დაცვით;
8.2.2 ჯეროვნად შეასრულოს ხელშეკრულებით გათვალისწინებული სხვა ვალდებულებები.

მუხლი 9. ხელშეკრულების შესრულების კონტროლი

- 9.1 შემსყიდველს უფლება აქვს ნებისმიერ დროს შეამოწმოს მიმწოდებლის მიერ ნაკისრი ვალდებულებების შესრულების მდგომარეობა.

მუხლი 10. ხელშეკრულების პირობების შეუსრულებლობა

- 10.1 მიმწოდებელი პასუხისმგებელია შემსყიდველისათვის მიწოდებული მომსახურების ხარისხზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას მიადგა მომსახურების უხარისხობის გამო.
10.2 მომსახურების მიწოდების ვადის დარღვევის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 0.1 პროცენტის ოდენობით ყოველი ვადაგადაცილებული დღისათვის.
10.3 ამ მუხლით გათვალისწინებული პირგასამტეხლოს გადახდა ხორციელდება მიმწოდებლისათვის ასანაზღაურებელი მომსახურების ღირებულებიდან შესაბამისი თანხის გამოქვითვის საშუალებით.
10.4 პირგასამტეხლოს გადახდა არ ათავისუფლებს მიმწოდებელს მომსახურების მიწოდების ვალდებულებისაგან.

მუხლი 11. ფორს-მაჟორი

- 11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა, ან დარღვევა და არ გამოიწვევს საჯარიმო სანქციების გამოყენებას.
11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებითა და სხვა.
11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, ფორს-მაჟორის არსებობის თაობაზე სახელმწიფოს შესაბამისი უფლებამოსილი ორგანოს დამადასტურებელი ცნობის (წერილის) თანდართვით, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული გზები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

- 11.4 ფორს-მაჟორულ გარემოებად არ ჩაითვლება ისეთი მოვლენები, რომელთა მოსალოდნელი დადგომის შესახებ წინამდებარე ხელშეკრულების შესაბამისი მხარისთვის, წინასწარ ცნობილი იყო და/ან წინამდებარე ხელშეკრულების გაფორმების დროისათვის ცნობილი უნდა ყოფილიყო.

მუხლი 12. ხელშეკრულების პირობების გადასინჯვის შესაძლებლობა

- 12.1 ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 12.2 თუ წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 12.3 ამ მუხლის 12.2 პუნქტის შესაბამისად ხელშეკრულებაში ცვლილების შეტანის მოთხოვნისას, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.
- 12.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ხელშეკრულების მოქმედების ვადა

- 13.1 ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2019 წლის 31 მარტის ჩათვლით.

მუხლი 14. დავების გადაწყვეტის წესი

- 14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით მოავგარონ ნებისმიერი უთანხმოება და დავა. წარმოქმნილი ხელშეკრულების ან მასთან დაკავშირებული საკითხების ირგვლივ.
- 14.2 თუ ასეთი მოლაპარაკების დაწყებიდან 5 დღის განმავლობაში შემსყიდველი და მიმწოდებელი ვერ შესძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

მუხლი 15. უფლებების გადაცემა

- 15.1 მიმწოდებელს არა აქვს უფლება შემსყიდველის წერილობითი თანხმობის გარეშე, მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

მუხლი 16. ხელშეკრულების შესრულების შეფერხება

- 16.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

მუხლი 17. ხელშეკრულების შეწყვეტა

- 17.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 17.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიენდოს მეორე მხარეს გადაწყვეტილების ძალაში შესვლამდე მინიმუმ 5 კალენდარული დღით ადრე.
- 17.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 17.4 ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

მუხლი 18. ურთიერთობა ხელშეკრულების დამდებ მხარეებს შორის

- 18.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას, წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტროფოსტის, დეპეშის, ელექტრონული ფოსტის, ტელექსის, ან ფაქსის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს ან ხელშეკრულებაში მითითებულ იურიდიულ მისამართზე, საფოსტო გზავნილის გაგზავნის მეშვეობით.

მუხლი 19. დასკვნითი დებულებები

- 19.1 ხელშეკრულება შეიცავს 20 მუხლს, შედგენილია 5 ფურცელზე, 2 თანაბარი იურიდიული ძალის მქონე ეგზემპლარად.
- 19.2 ხელშეკრულების თითო ეგზემპლარი გადაეცემათ მხარეებს.
- 19.3 ხელშეკრულების შესრულებაზე მონიტორინგს განახორციელებს შპს „მარაბდა-კარნახის რკინიგზის“ თანამშრომელი ირაკლი გოგია, რომელიც ვალდებულია უზრუნველყოს ხელშეკრულებით გათვალისწინებული ვალდებულებების შესრულების კონტროლი (პირობების შესრულება, ვადები, ხარისხი და ა.შ.) და საჭიროების შემთხვევაში მოახდინოს შესაბამისი რეაგირება.

მუხლი 20. მხარეთა რეკვიზიტები

- 20.1 შემსყიდველის რეკვიზიტები: ქ. თბილისი, დ. აღმაშენებლის გამზ. №150; საიდენტ. კოდი 204522436; საბანკო რეკვიზიტები: ს.ს. „პაშა ბანკი საქართველო“, ა/ა GE06 PB1034050001494001, ბანკის კოდი PAHAGE22
- 20.2 მიმწოდებლის რეკვიზიტები: იურიდიული მისამართი - ქ. თბილისი, აკ. წერეთლის გამზირი 95/ა, ფაქტობრივი მისამართი – ქ. თბილისი, ბაქრაძის ქ. №6; საიდენტ. კოდი 202385169; სს საქართველოს ბანკი, ა/ა GE62BG0000000192631800; ბანკის კოდი: BAGAGE22.

მხარეთა ხელმოწერები:

შემსყიდველი:  ლევან კანკავა დირექტორი 	მიმწოდებელი:  ნუგზარ ხიჯაკაძე დირექტორის მინდობილი პირი 
--	---